

## Morning Regional Dogri News Bulletin, 01st October 2023

मार्निग डोगरी न्यूज बुलेटिन, समें. 09-20 Hrs

<><><><><><>

### Headlines

1. प्रधानमंत्री नरेन्द्र मोदी होरें आकखेआ ऐ जे स्वच्छ भारत सब्बनें दी सांझी जिम्मेदारी ऐ। उनें लोकें गी अज्ज बडलै 10 बजे इक घँटा श्रमदान लेई समर्पित करने दी अपील कीती ऐ।
2. उपराज्यपाल मनोज सिन्हा होर जम्मू कश्मीर च अज्ज एक तारीख, एक घंटा, एक साथ अभियान दी अगुवाई करगंन।
3. सुरक्षाबलें कुपवाड़ा च दऊं आतंकवादिएं गी मारी मकाया। एनआईए नै ढांगरी आतंकवादी हमले आले मामले च पुंछ च केई थाहरें छापे मारे न।
4. मुख्ख सचिव डॉ. अरुण कुमार मेहता होरें रियासी च दुनिया दे सब्बनें शा उच्चे रेल पुल गी सैलानी थाहर दे तौर पर विकसित करने दे निर्देश दित्ते न।

<><><><><><>

### PM-Swachhta

प्रधानमंत्री नरेन्द्र मोदी होरें लोकें अग्गे अपील कीती ऐ जे ओह अज्ज बडलै 10 बजे स्वच्छता मुहिम च शामिल होन ते मुख्खै लेई इक बेहतर ते सनैहरी भविक्ख तैह करने च मदाद करन। अपनी इक सोशल मीडिया पोस्ट पर मोदी होरें आकखेआ जे “स्वच्छ भारत” मुख्खै दे इक-इक परिवार दी सांझी जिम्मेदारी ऐ ते हर इक भारतीय दे एहदे लेई योगदान दा इस दिशा च इक महत्वपूर्ण हिस्सा होग। जियो जे पैहले बी खबर दित्ती जाई चुकी दी ऐ जे प्रधानमंत्री मोदी हुंदे आह्वान पर अज्ज मुख्ख भरै च बड्डे पैमाने पर स्वच्छता अभियान चलाया जाग। प्रधानमंत्री होरें लोकें गी अपील कीती दी ऐ जे ओह राष्ट्रपिता महात्मा गांधी होरें गी उंदी जयंति कोला इक रोज पैहले श्रद्धांजलि देने लेई अज्ज पैहली अक्टूबर गी बडलै 10 बजे इक घँटे लेई स्वच्छता अभियान दा हिस्सा बनन। पिछले ऐतवारें अपने रेडियो कार्यक्रम मन की बात च बी मोदी होरें “स्वच्छता ही सेवा” अभियान दे महत्त्वै गी उजागर करदे होई लोकें गी पैहली अक्टूबर गी स्वच्छता अभियान लेई टैम कड्डने दी अपील कीती ही। उनें आकखेआ हा जे “एक तारीख, एक घंटा, एक साका” स्वच्छता अभियान चलाना दुनिया दा सब्बने शा बड्डा स्वेच्छिक सफाई बक्खी योगदान होग। इस सिलसिले च मुख्ख भरै च 6 लक्ख 40 जहार थाहरें दी शनाख्त कीती गेदी ऐ जित्थें लोक इस मुहिम तैहत्त श्रमदान देंगन। इस

स्वच्छता सरबंधी गतिविधिएं च हर वर्ग ते शोबे दे लोक हिस्सा लेंगन। एह लोक सार्वजनिक थाहरें, जियां बजार, रेलवे, पानी दे स्रोतें,सैलानी थाहरें, धार्मिक थाहरें ते होने थाहरें गी साफ करगंन। इस टकोह्दे जतन च भारतीय सेना, वायु सेना,नौसेना दे कर्मी बी आम नागरिकें कन्नै शामिल होंगन। साफ सफाई आली थाहरें पर लोक अपने फोटू लेइयै उनेंगी स्वच्छता ही सेवा डॉट कॉम पर अपलोड करी कसेद न।

<><><><><><>

## **LG-Swachhta**

उपराज्यपाल मनोज सिन्हा होर स्वच्छ भारत मिशन दी 9मीं ब'रे गंड दे सरबंधै च चलाए जाने आले केन्द्र शासत प्रदेश सतह दे बड्डे कार्यक्रम "एक तारीख, एक घंटा, एक साथ" दी अगुवाई करगंन। उपराज्यपाल होरें लोकें थमां अपील कीती ऐ जे ओह इक घैंटे आस्तै स्वच्छता लेई श्रमदान आले कार्यक्रम च हिस्सा लैन। उनें राष्ट्रव्यापी स्वच्छता ते साफ सफाई सरबंधी जतन दे हिस्से दे तौर पर स्वच्छता ही सेवा च हिस्सा लैने लेई गलाया। मुख् सिवच डॉ. अरूण कुमार मेहता होरें इस अभियान तैहत 80 ज्हार कार्यक्रम आयोजित करने दा लक्ष्य मित्थे दा ऐ। उनें मैहकमे गी आक्खेआ जे ओह बद्धोबद्ध कार्यक्रम आयोजित करना जकीनीबनान। मगरा उपराज्यपाल होर समर्थ निर्माण सरबंधी प्रोग्राम ते सैहमतिपर दस्तखत करने सरबंधी कार्यक्रम च हिस्सा लेंगन। कर्तव्य टैक्स जागरूकता सरबंधी जतन दा सरिस्ता प्रदेश टैक्स मैहकमे ते चार्टड एकाउंटस ऑफ इंडिया दे इदारें आस्सेआ श्रीनगर दे एसकेआईसीसी च आयोजित कीता जाग। ओह मेरा बिल मेरा अधिकार दे जेत्तुएं गी सम्मानत बी करगंन। इसदा मकसद जीएसटी बिल मंगने गी अपना अधिकार समण्ने आली पिरत गी बढावा देना ऐ।

<><><><><><>

## **JK-ODE Plus**

स्वच्छता ही सेवा अभियान दरान इक होर बड्डी उपलब्धि अपने नां करदे होई केन्द्र शासत प्रदेश जम्मू कश्मीर नै सब्बनें 20एं जिलें दे 285 ब्लॉकें च सब्बने 6 ज्हार 650 ग्राएं गी ओडीएफ प्लस घोशत करी दित्ता ऐ। प्रदेश दे सब्बनें ग्राएं गी ओडीएफ प्लस दी श्रेणी च औने आली उपलब्धि इक ऐसा संगे-मील ऐ जेहड़ा छड़ा शौचालय बनाने ते इस्तेमाल करने तगर गै सीमित नेई रेआ ऐ। प्रदेश च 4 लक्ख 85 ज्हार 404 व्यक्तिगत सोक पिट ते 24 ज्हार 88 सामुदायिक सोक पिट बनाइयां गेइयां न। एह्दे अलावा घरें दे पच्चुआड़ च किचन गार्डन लाइयै रसोइएं चा निकलने आले पानी दे इस्तेमाल लेई लोकें गी प्रेरित कीता गेआ। प्रदेश च 1 लक्ख 77 ज्हार 442 व्यक्तिगत कंपोस्ट पिट ते 12 ज्हार 621 सामुदायिक कंपोस्ट पिट दा निर्माण बी कीता गेआ ऐ।

<><><><><><>

## Div.Com Pension Cases

जम्मू दे डिवीजनल कमीशनर रमेश कुमार होरें पेंशन मामले, प्रधानमंत्री आवास योजना शैहरी ते ग्रामीण, गांधी जयंति सरबंधी गतिविधिएं ते होरने सरबंधी मामले च हासल प्रगति दा जायजा लैता। उनें बकाया पेदे पेंशन सरबंधी मामलें पर सख्त ऐतराज जताया ते डिप्टी कमीशनरें गी हिदायत कीती जे ओह सारे बकाया पेदे मामलें दा दो दिन दे अंदर-अंदर नबेड़ा करन। डिप्टी कमीशनर हासल मामलें दा ब्यौरा पेश कीता ते उंदे बारे बी दस्सेआ जिंदी पड़ताल ते तसदीक करने मगरा उनेंगी खारज करी दित्ता गोआ। डिवीजनल कमीशनर होरें जिले च गांधी जयंति सरबंधी गतिविधिएं गी आयोजित करने बारे कार्य योजना दा बी जायजा लैता।

<><><><><><>

## Terror INFRA

सरकार नै जम्मू कश्मीर च आतंकवादी ढांचे गी नष्ट करने लेई बड़िएं सारिएं अजेंसिएं दी शमूलियत आली रणनीति अपनाई ऐ। पुलस ते सेना नै सांझे अभियान दरान कुपवाड़ा जिले दे माछिल सेक्टर दे कुम्काड़ी इलाके च घुसपैठ दी इक कोशश गी नकाम बनांदे होई दो आतंकवादिएं गी मारी मकाया ऐ। एनआईए नै पुंछ जिले दी मती सारी थाहरें पर राजौरी जिले दे ढांगरी ग्रां च होए दे आतंकवादी हमले जेहदे च 7 आम नागरिक मारे गे हे ते 13 होर गंभीर तौर पर घायल होई गे हे दे सरबंधे च छापेमारी कीती। एह हमला इस ब'रे दे जनवरी म्हीने च होआ हा। मती सारी अजेंसिएं दी शमूलियत आली गैह केन्द्र सरकार दी जम्मू कश्मीर च शांति ते खुशहाली गी जकीनी बनाने आली भेठा बड्डी कारवाई ऐ। इसलै केन्द्र शासत प्रदेश विकास दी बत्ता पर अगो बधा'रदा ऐ।

<><><><><><>

## CS-Mehta

मुख्य सचिव डॉ. अरुण कुमार मेहता होरें कल रियासी जिले च ज्योतिपुरम थाहर दे नेड़े बनाए गेदे दुनिया दे सब्बनें शा उच्चे रेल पुल दा दौरा लाइयै उत्थें जारी कम्में दा निरीक्षण कीता। इस मौके कम्म तोड़ चाढ़ा करदी कंपनी दे इंजीनियर ते भारती रेलवे दे अफसर बी उत्थें मजूद हे। उनें मुख्य सचिव होरें गी जानकारी दित्ती जे पेरिस दे आइफिल टावर थमां बी 29 मीटर उच्चा एह पुल पूरी दुनिया च बेजोड़ ऐ ते इसी इंजीनियरिंग दे इक नाया नमूने दी उपाधि दितती गई ऐ। डॉ. मेहता होरें जिला प्रशासन पर जोर पाया जे ओह इंजीनियरिंग दे इस नायाब नमूने गी सैलसफा आली थाहरै च तब्दील करने लेई फौरी गैह पुट्टन। उनें आक्खेआ जे श्री माता वैष्णो देवी, शिव खोड़ी, सलाल डैम, भीमगढ़ किले ते होरनें नेयी थाहरें दे चलदे रियासी जिले च ओकड़ी समर्थ मजूद ऐ जेहदे दम पर बद्धोबद्ध सैलानिएं गी इत्थें आकर्षित कीता जाई सकदा ऐ।



प्लास्टिक प्रदूषण दा मकाबला करने ते साफ-स्वच्छ पर्यावरण गी बढ़ावा देने दे मकसद कन्नै भारती फौज आस्सेआ किशतवाड़ जिले दे मुगल मैदान ग्रांह च प्लास्टिक दे इस्तेमाल खलाफ लोके गी जागरूक बनाने आले इक कार्यक्रम दा आयोजन कीता गेआ। इस पैहलकदमी दा मकसद प्लास्टिक कचरे करी घरतै पर पवै करदे माड़े असर बारे लोके गी जागरूक बनाना ते प्लास्टिक दे इस्तेमाल गी बंद करने लेई उंदा दिल बधाना बी ऐ हा।

<><><><><><>

## **ADDC Kishtwar**

किशवाड़ दे अतिरिक्त जिला विकास आयुक्त शाम लाल होरे किशतवाड़ दे लोके गी अपील कीती ऐ जे ओह स्वच्छता ही सेवा आगियानद। हिस्सा बनन ते इक घंटा श्रम दान करियै किशतवाड़ गी साफ ते स्वच्छ बनान।

<><><><><><>

## **DC-Rajouri**

राजौरी दे डिप्टी कमीशनर विकास कुंडल होरे आम लोके गी अपील कीती जे ओह एक तारीख, एक घंटा एक साथ नांह दी स्वच्छता मुहिम च अज्ज बडलै 10 बजे थमां 11 बजे तगर हिस्सा लैन। उनें साफ साफाई ते स्वच्छता सरबंधी लक्ष्ये गी हासल करने च सामूहिक जतनें गी उजागर कीता।

<><><><><><>